

Gherdëina

La bela trohtes

Ai 2 de mei à la Mujiga de Urtijëi lascià benedì si bandiera nueva ntan na bela festa. Nce sce l tēmp nen fova nia massa bel à na grupa de cumēmbri dla Lia Guant dala gherdëina abeli chēsta festa cun si bela trohtes



Lies - La trohtes de Gherdëina fej for scialdi paruda y porta legrēza a duta la jēnt per si belēza de marueia. Coche n sà dai documēnc storicis ie l guant dala

gherdëina for unì trat sēura da nosta jēnt pra la ucajions de gran festa, coche ntan la pruzescions, la segra y ntan la manifestazions plu sentides dala jēnt dl luech.

Propi ajache jì cun nosc bel guant dala gherdëina à n gran valor culturel y storich fòssel bel y mpurtant che truepa jēnt se tulēssa a cuer de njeniē ca si trohtes per fé pea la manifestazions che ie via per l ann. L nes fej for drēt plajēi a nēus de Gherdëina, ma nce a chiche vën da oradecà a udēi na bela cumpēida de jēnt che fej pea pra la pruzescion de Juebia dai Andli, chēst ann ai 6 de juni, y la pruzescion dla Segra dl Rosar, chēst ann ai 3 de utober, coche nce n la segra de Urtijëi, chēst ann ai 4 de lugio, trajan sēura la gherlanda spiza, la bagana, la cazina, l ciapel vërt o vel' outra nosta troht.

Sambën possa nteressei o nteressedes se mprestē ora vel' pez dla troht che ti mancia o nce duta la troht. La Lia Guant dala gherdëina mprēsta ora uni mierculdi dala ot da sēira tl local dla lies suaut tla Cēsa de cultura de Urtijëi i guanc. Per ti mustré coche n tira sēura la trohtes a persones che ne les à mo mei trates sēura y che ulēssa gën jì tl daunì cun la troht, urganisea la lia n mierculdi ai 12 de mei dala ot da sēira coche n se furnēsc cun la gherlanda spiza, la bagana y prima dunsela. Ntan la defiledes che vën urganisedes ntan l ann deberieda cun la Lia per l Turism vëniel mustrà coche nosta jēnt se furniva da vedlamēnter n ucajion dla nozes.

Patrizia Ciechi